

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka u 2023. godini, Federalno ministarstvo raseljenih osoba i izbjeglica objavljuje

**Javni poziv**  
**za podršku zapošljavanju povratnika u organima javne uprave, javnim ustanovama i javnim preduzećima, na prostoru entiteta Republika Srpska, Brčko Distrikta Bosne i Hercegovine i entiteta Federacija Bosne i Hercegovine za područja srednje razvijenih, nerazvijenih i izrazito nerazvijenih općina i gradova**

**I**

**Svrha Javnog poziva**

Javni poziv se objavljuje radi podrške zapošljavanju povratnika u organima javne uprave, javnim ustanovama i javnim preduzećima radi unapređenja održivog povratka.

**II**

**Cilj Javnog poziva**

Cilj Javnog poziva je pružiti podršku zapošljavanju najmanje 50 povratnika, čime će se omogućiti povećanje zastupljenosti povratnika u organima javne uprave, javnim ustanovama i javnim preduzećima, a sve u skladu sa obavezama iz Aneksa VII Općeg okvirnog sporazuma za mir u Bosni i Hercegovini, te stvoriti bolji uslovi za održivi povratak i zadržavanje mladih kadrova u Bosni i Hercegovini.

**III**

**Pravo prijave na Javni poziv**

**Pravo prijave imaju pravna lica poslodavci koji ispunjavaju sljedeće uslove:**

1. da su pravna lica - organi javne uprave, javne ustanove, javna preduzeća - registrovana u skladu sa važećim zakonima na nivou jedinica lokalne samouprave u entitetu Republika Srpska, Brčko Distriktu Bosne i Hercegovine i entitetu Federacija Bosne i Hercegovine – i to za područja srednje razvijenih, nerazvijenih i izrazito nerazvijenih općina i gradova (u skladu sa indeksom razvijenosti Federalnog zavoda za programiranje razvoja);
2. da imaju aktivan transakcijski račun;
3. da u periodu od dana objavljivanja ovog Javnog poziva do 30.11.2023. godine zaposli najmanje jedno lice na neodređeno vrijeme iz kategorije povratnika koji spadaju u manjinski zastupljene populacije u skladu sa Aneksom VII, član 1. tačka 3. stav d) Općeg okvirnog sporazuma za mir u Bosni i Hercegovini,
4. da osoba koja se zapošljava ima prijavljeno mjesto prebivališta u jedinici lokalne samouprave u kojoj je registrovan aplikant.

**IV**

**Finansijska sredstva**

- (1) Za realizaciju ovog Javnog poziva planirana su finansijska sredstva u iznosu do 1.000.000,00 KM.
- (2) Ministarstvo će poslodavcima koji budu izabrani u skladu sa ovim Javnim pozivom, onima koji izvrše zapošljavanje najmanje jednog povratnika na neodređeno vrijeme, jednokratno uplatiti sredstva u visini do 70% od iznosa predviđenog za isplatu plata i obaveznih poreza i doprinosa (bruto iznos) za period od 12 mjeseci a prema obračunu prve plate uposlenog povratnika.
- (3) Poslodavac je obavezan da sufinansira preostali iznos bruto plate na mjesečnom nivou za uposlenog povratnika.

(4) Poslodavac je obavezan dostaviti izvještaj Federalnom ministarstvu raseljenih osoba i izbjeglica po realizaciji ugovora o sufinansiranju zapošljavanja povratnika.

#### V

Korisnici – aplikanti po ovom Javnom pozivu će pri apliciranju na naredni javni poziv za infrastrukturne projekte Federalnog ministarstva raseljenih osoba i izbjeglica ostvariti dodatnih 5 bodova za svakog zaposlenog povratnika prilikom rangiranja prijavljenih projekata.

#### VI

Prijava na Javni poziv obavezno sadrži sljedeće dokumente:

1. Čitko popunjenu, potpisanu i ovjerenu prijavu na Javni poziv, na obrascu koji je dostupan na internet stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Hamdije Čemerlića 2., Sarajevo;
2. Aktuelni izvod iz sudskog registra – za javne ustanove i javna preduzeća;
3. Uvjerenje o registraciji poreskog obveznika u Poreskoj upravi (ID/JIB);
4. Potvrda banke o broju aktivnog transakcijskog/bankovnog računa;
5. Dokaz o upošljavanju povratnika: Rješenje o postavljenju državnog službenika ili namještenika, ugovor o radu na neodređeno vrijeme, Uvjerenje o ostvarenom povratku, Uvjerenje o prebivalištu – CIPS.

Tražena dokumentacija se dostavlja kao original ili ovjerena fotokopija ne starija od 30 dana.

#### VII

Sa izabranim poslodavcima će se zaključiti ugovor o sufinansiranju zapošljavanja povratnika na period od 12 mjeseci.

#### VIII

Ministarstvo će izvršiti rangiranje pristiglih aplikacija u skladu sa propisanim procedurama i kriterijima te raspoloživim finansijskim sredstvima za ovaj Javni poziv.

#### IX

Prijave sa svim traženim dokumentima dostaviti preporučenom poštom, sa naznakom  
**“Prijava na Javni poziv za podršku zapošljavanju povratnika u organima javne uprave”**,

na adresu:

**Federalno ministarstvo raseljenih osoba i izbjeglica  
Hamdije Čemerlića 2,  
71000 Sarajevo**

*(Na poleđini koverta navesti naziv podnosioca, tačnu adresu i kontakt telefon)*  
**Javni poziv ostaje otvoren do 30.11.2023. godine.**

Broj: 03-32-3-188-1/23  
Sarajevo, 02.08.2023. godine

MINISTAR

Nerin Dizdar